

Date – 07/09/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Sorkar laipuaia Ministry of Home Affairs chuan Mizoramah Helicopter service mek pakhat bakah a dang pakhat pek belh an tum tih an sawi.
2. New Delhi a cham mek P&E Minister Pu F Rodinglian central hotute hmu in Mizoram mamawh hrang hrangte a sawipui.
3. Manipur-a hmun hrang hranga inkahna thlengah mi paruk an thi.
4. Union Home Minister leh BJP hruaitu Amit Shah chuan Jammu and Kashmir chu Assembly inthlan zawhah state nihna pek leh a tiam.

<><><>

HELICOPTER

Sorkar laipuaia Ministry of Home Affairs (MHA) hotute chuan Mizoramah Helicopter service mek pakhat bakah a dang pakhat pek belh an tum tih Adviser to CM (technical) Pu H. Ginzalala an hrilh.

Champhai North bialtu MLA ni bawh H. Ginzalala hian tunkar chho khan Delhi-ah sorkar laipui a dawr a, Mizoram mamawh hrang hrangte a thlen a ni. Chief Minister Pu Lalduhoma'n Mizorama Helicopter service changlung leh tam zawk a awm theih nana hma a lo lak tawhnate bawhzuiin H. Ginzalala hian MHA leh Civil Aviation hotute a kâwm a; MHA hotute'n Helicopter service dang pakhat pek belh an tum thu leh, Mizoram sorkarin lehkhah tihfel ngai la awmte a tihfel hunah tender theih a nih dawn thu an lo hrilh a ni.

Pu H. Ginzalala chuan Ministry of Road Transport & Highways Minister Nitin Gadkari hmuin, Champhai Khankawn atanga Kanan Veng inkar kawngpui chungchang leh Mizorama NHIDCL hmalakna hrang hrangte a sawipui. Department of Agricultural Research & Education secretary Dr Himanshu Pathak, Indian Council of Agriculture Research (ICAR) director general chu Lunglei, Champhai leh Saitual District-a Krishi Vigyan Kendra (KVK) din chungchang a sawipui bawh.

Pu Ginzalala hian Ports, Shipping and Waterways minister Sarbananda Sonowal leh Inland Waterways Authority of India (IWAI) chiarman Vijay Kumar te pawh a kâwm a, Mizorama lui hmanga inkalpawhna tura ruahmannate a sawipui a ni.

<><><>

COMMERCE MINISTER

New Delhi a cham mek P&E Minister Pu F Rodingliana chuan Union Power Minister Pu Manoharlal Khattar, New & Renewable Minister Pu Pralhad Venkatesh Joshi bakah Food Processing Industries Minister Pu Chirag Kumar Paswan te hmu in Mizoram mamawh hrang hrangte a sawipui.

Union Power Minister Pu Manohar Lal Khatta nen an inkawmnaah Pu F. Rodingliana hian kawlphehtha pek chhuahna transmission line leh power sub-station tih changtlungna tur Central Ministry in a approve tawh, bawhzui lova a awm avanga fund la release loh te thlenin Union Power Minister hian heng sumte hi an pekchhuah tur thu a lo hrilh a. Ministry of Power in Hydel Project lian tham siamna tur scheme thar a duan chu chhawr tangkai turin central PSU te nen thawkho a, Project thehltut vat turin Union Power Minister hian a lo hrilh bawk a ni.

Pu Pralhad Joshinen an inkawmnaah Pu F Rodingliana hian kawlphehtha hmanga intodelh chu Mizoram Sorkar policy lian ber anih avangin hydel project siam tur, Mizoram Sorkar in a buaipui mekte MNRE hnuaiia scheme hmanga tihpuitlinsak turin Union Minister hi a ngen a, Pu Pralhad Joshi hian heng small hydel project te tihlawhtling tur hian MNRE in a puih tur thu a lo hrilh a ni.

Commerce & Industry Minister nibawk Pu F. Rodingliana hian Food Processing Minister Pu Chirag Kumar Paswan pawh a chenna inah hmu in, Mizoram food processing industry te ti liana a, ti changtlung turin hma lakpui turin a ngen a. A bikin Mizorama thlai tha em em leh hnianghnar tak - sawhthing, aieng leh hmarcha sawngbawlina kawngah Food Processing Industries Ministry puihna ngenin, Union Minister hian project engemawzat siam a thehltut tura chahin, a lo bawhzui tur thu Mizoram C&I Minister hi a lo hrilh a ni.

NEW Delhi a cham chung hian Pu F. Rodingliana hian Department of Economic Affairs, Asian Development Bank bakah C&I leh Power sector hnuaiia Ministry hrang hrang official liante hmu bawk in, Mizoram sorkar hmalakna kal mekte bawhzuiin chak zawka tihpuitlin a nih theih nan a nawr nghal a ni.

<><><>

OPERATION GINGER

Mizoram Horticulture Department 'Fehchhuah Runpui' "Operation Ginger 2024" chu Hnahthial District-a khaw hrang hrangah thlahlui 16 atang khan kalpui tan niin tunah chuan zawhfel thawkhat a ni tawh a. Khaw 26 a Sawhthing lingtu mi 550 hnenah training pek a ni. Hnahthial district chungah hian sawhthing ling in report mi 1812 awmin quintal 5900 vel chin nia report a

ni a, harsatna a awm loh chuan quintal Sing Li vel bawr hi chu thar tura beisei a ni.

Fehchhuah Runpui “Operation Ginger 2024” hi District Horticulture Officer, Pu Lalthakima leh Asst. District Horticulture Officer, Pi Rosalind Lallawmzuali te kaihhruainaa neih niin sawhthing tam ven dan leh enkawl dan inzirtirna pek a ni. Hnahthial District chhung-ah kumin hian sawhthing linna atan ram hectare 713.7 hman a ni a, Sawhthing ling tam ber hi 'Thinglaidum' leh ‘Thingpui’ a ni. Cherhlun khuua chhungkaw 196 leh Darzo khuua chhungkaw 189 te chuan Sawhthing ling tam khua an ni.

Sawhthing tam hri hian khaw tam taka sawhthing lingtute a tibuai nasa em em a, a tam hri bakah a eichhetu pangang leh tho lung hmuh tur a tam em em a, sawhthing lingtu tam zawk te ah a tawih nasa la awm lo mahse a hnah engin a bawm hneh tawh em em a, hengte hi ven that loh chuan a tawih chhuak vek thin a ni. Sawhthing enkawl dan leh a kah dan bakah a chi chiah dan te uluk takin Operation Ginger 2024 chhung hian inzirtir a ni a, mamawh zual tan sawhthing tam enkawl na atan society-te hnehah damdawi leh sprayer te pek an ni bawk.

<><><>

SERCHHIP

Mizorama mimal enkawl ATM hmasa ber chu Serchhip Dist MJA President Pu C.Lalhminghlua' n vawiin khan Serchhip IOC Vengah a hawng

ATM hlanna hun tawi hi, a enkawltu ni bawk Pu PC Lalchhuanawma building ah, Pu Kapliana Pachuau, Serchhip Times Editor, MJA Serchhip Dist Vice President in kaihruaia neih a ni.

Pu C.Lalhminghlua chuan hawanna thu sawiin- mipui mamawh tak mai ATM booth thar Mizoram a Private enkawla a hmasa ber Serchhip a hawn a ni chu a lawmawm a, Serchhip District tan hmasawanna pawimawh tak a ni tiin, a neitute tan pawha hlawkna ni thei turin mipuiin țangkai takin hmang se a duh thu a sawi.

He ATM bun nana a hnarkaitu ber Pu S.Lalrinawma, Master Franchisee chuan ATM hawn a nih theih nan a hma an lak chhoh dan a sawi a. Aizawl, Champhai, Lunglei leh Tlabungah Vakrangee Kendra, ATM hi hawn tura buatsaih mek niin Mizoram chhungah 30 vel hawn theih an beisei thu a sawi a. India rama ATM tam tak, pawisa awm lohna a tam avangin RBI in complaint a dawn avangin a buaipui tur company thlan an ni a. Rin tlak tia thlan chhuah zingah Mumbaia hmunpui nei Vakrangee Kendra hi telin, North East ah pawh Assam, Manipur leh Nagaland ah an inbun tawh a, Meghalaya a bun leh tum mek a ni a ti bawk

Vakrangee Kendra ATM booth hawannaah hian tualchhung chanchinbumi leh booth enkawltu leh neitute chhungkua leh țhenrual țha te an tel a. Booth awmna hi IOC Oil pump leh Bawrhsap pisa awmna a nih avangin țangkai hle tura ngaih a ni a. Hawn a nih hma pawh hian ni tlemte chhungin Rs nuai 3 chuang hmeh chhuah a lo ni tawh a ni.

<><><>

RUN FOR HEALTH

Hriselna pawimawhna leh HIV (AIDS) laka fihlim tura inzirtirna pakhat 'Run for Health (Marathon)' chu tukin khan Lawngtlai DC Pu Cheemala Siva Gopal Reddy chuan a vailiam.

Mizoram State AIDS Control Society (MSACS) leh Government Lawngtlai College-a Red Ribbon Club tangkawp ten an buatsaih niin Areopagy, Lawngtlai Bazarah hun hman a ni.

Pu Cheemala Siva Gopal Reddy chuan, hriselna chu thil hlu tak, a thawh a thawhchhuah ngai a ni a ti a, rilru leh taksa hrisel tha tak nei turin mitin in theih tawp chhuah a ngai a, thangtharte zingah hriselna atana taksa sawizawi thin an tlem hle nia a hriat thu sawiin, hriselna tel lo chuan eng hna mah a thawh tak tak theih loh tiin, hriselna tha nei tura uar zawka taksa sawizawi kawnga tan la thar turin a sawm.

DC chuan sawrkar laipui pawhin hriselna a ngaipawimawh hle a ti a, kawng hrang hrangin hma a la mek a ti a, Government Lawngtlai College hmalakna pawhin Lawngtlai mipuite rilruah nghawng thuk zawk a neih a beisei tih a sawi a. Tukin Marathon hlut bikna sawiin Pu Cheemala Siva Gopal Reddy chuan Lawngtlai mipuiten hriselna tha zawk an neihna tura taksa sawizawi lo ngaipawimawh zel tur leh HIV/ AIDSA do na kawnga theihtawp chhuahpui turin Lawngtlai mipuite a sawm nghal bawk.

Tukin 'Run For Health (Marathon)' ah hian Government Lawngtlai College zirlai engemaw zat tel theiin, Areopagy, Lawngtlai Bazar atanga BRTEF Camp College Veng Lawngtlai thleng an tlan a ni.

<><><>

MANIPUR

Manipur-a hmun hrang hranga inkahna thlengah mi paruk an thi. Tukin zingkarah khan Jiribam district-ah mi pakhat chu tu tih hriatlohten a muhil lai an kaphlum a. Silai keng hel nia rinhlelhte hian he pa hi a luah kapin a hmunah a thi nghal a. Hemi hnu hian Jiribam Police Station huamchhunga Nungchepi hmunah pawl pahnihte an inkap zui a. Hetah hian mi pali kahhlum an ni a, An zinga pathum chu helpawl zinga tel nia hriat a ni.

Vawiin vek khan Kalching district-a Tangjeng Khunjao ah inkahna thleng lehin mi pahnih kahhlum an ni a. Moirang khaw chhunga tualchher rocket bomb puakah civil mi pakhat a thi a, midang panga in hliam an tuar a ni. Nizan khan mipui engemawzat kalkhawm chuan Manipru Assam Rifles hmun pahnih luhchilhin an ralthuamte ruk chhuah an tum niin hriat a ni a. Sipaiten lo dangin an hnawrdarh thei nia thudawn a ni.

<><><>

UNION HOME MINISTER

Union Home Minister leh BJP hruaitu Amit Shah chuan Jammu and Kashmir chu Assembly inthlan zawhah state nihna pek leh a tiam. Vawiina Jammu-a vantlang inkhawmah thu sawiin assembly inthlan lo awm tur chu chhianchhiahtlak tak anih thu sawiin Modi-a sawrkarin Article 370 hnua hnam puanzar hnuaiah ngei leh ram danpui zawmin a vawi khat nan inthlan buatsaih tur a ni a ti a. Congress leh National Conference thawkdun chuan kalphung hlui tuaithar leh an tum niin a puh bawk.

Jammu & Kashmir Assembly inthlan hi thawh thuma neih tur niin tun thla ni 18 ah a thawhkhatna neih a ni ang.

<><><>

TELANGANA

Telangana sawrkar chuan an state chhunga district 33 zinga district 29 chu tuilenna hmunah a puang. Sawrkar chuan heng tuilian tuar district te hi chhawmdawlina cheng vaibelchhe thum theuh pek nghal anih tur thu a puang a. A tirah district pali chauh tuilian tuara puan a ni a, chhanchhuah hna ngawrh takin thawh nghal a ni. Chief Minister Revanth Reddy kaihhruiin nimin khan Hyderabad-ah high-level review meeting an thukhawm a.

State Chief Secretary Shanti Kumari chuan thlahmasa ni 31 leh tun thla ni 3 inkara ruahsur dan milin tuilenna hmunte hi puan a ni a ti a. District collector te chu an district dinhmun theuhte zirchiang a, thawhtanni hmaa an report pe turin a ti a. State pumah tuilian avanga chhياتna thlengah hian mi 29 an thi tawh a. State sawrkar chuan district tinah special officer ruatin an thil chante kimchang taka chhinchhiah tura tih an ni.

<><><>